



Broj: 02-11-4-4189-2/25
Goražde, 05.01.2026.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22 i 50/24) u postupku javne nabavke – otvoreni postupak "Nabavka građevinskih radova na sanaciji/rekonstrukciji cjevovoda za odvodnju kanalizacionih/oborinskih voda u naselju Površnica i Omladinska ulica", Gradonačelnik Grada Goražda donosi:

ODLUKU

o izboru najpovoljnijeg ponuđača za lot 2 - Nabavka radova na rekonstrukciji dijela trase površinske odvodnje u Omladinskoj ulici

I

Prihvata se preporuka Komisije za provođenje postupka javne nabavke za ustupanje građevinskih radova na sanaciji/rekonstrukciji cjevovoda za odvodnju kanalizacionih/oborinskih voda u naselju Površnica i Omladinska ulica, te se ugovor o ustupanju radova za lot 2 – Nabavka radova na rekonstrukciji dijela trase površinske odvodnje u Omladinskoj ulici, dodjeljuje ponuđaču „Okac” d.o.o. Goražde, čija cijena ponude iznosi 25.600,00 KM bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u postupku javne nabavke.

III

Nakon pravosnažnosti ove Odluke, Grad Goražde će izabranog ponuđača pozvati radi zaključenja ugovora kojim će regulisati međusobna prava i obaveze vezane za predmetnu nabavku, shodno uslovima Ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 (sedam) dana od dana zaprimanja obavještenja o rezultatima postupka dostaviti Ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45., kao i original ili ovjerenu fotokopiju važeće licence o pravu obavljanja predmetnih radova izdatu od strane Ministarstva nadležnog za poslove građenja BPK-a Goražde ili Ministarstva prostornog uređenja Federacije BiH.

O b r a z l o ž e n j e

Gradonačelnik Grada Goražda je dana 02.12.2025. godine donio Posebnu odluku o pokretanju postupka javne nabavke građevinskih radova na sanaciji/rekonstrukciji cjevovoda za odvodnju kanalizacionih/oborinskih voda u naselju Površnica i Omladinska ulica, broj 02-11-4-905-34/25, putem otvorenog postupka.

Predmetna nabavka je podjeljena na sljedeće lot-ove:

Lot 1 - Nabavka radova na sanaciji mješovitog kolektora u naselju Površnica pored objekta Halilovića,
Lot 2 - Nabavka radova na rekonstrukciji dijela trase površinske odvodnje u Omladinskoj ulici.

Na osnovu navedene Odluke, dana 04.12.2025. godine, na portalu javnih nabavki objavljeno je Obavještenje o javnoj nabavci broj 413-1-3-87-3-125/25, dok je Sažetak navedenog Obavještenja o nabavci objavljen u „Službenom glasniku BIH” broj 74/25.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u Zapisniku sa otvaranja ponuda od 24.12.2025. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-11-4-4189/25 od 02.12.2025. godine sačinila je Zapisnik o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za izvođenje građevinskih radova na sanaciji/rekonstrukciji cjevovoda za odvodnju kanalizacionih/oborinskih voda u naselju Površnica i Omladinska ulica – Nabavka radova na rekonstrukciji dijela trase površinske odvodnje u Omladinskoj ulici (Lot 2) dostavljena ponuda od strane ponuđača „Okac“ d.o.o. Goražde;
- da dostavljena ponude ponuđača „Okac“, d.o.o. Goražde ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom;
- da u skladu sa članom 4. stav (2) Pravilnika o uslovima i načinu korištenja e-aukcije, e-aukcija nije zakazana jer je u ostavljenom roku za dostavljanje ponuda, dostavljena samo jedna ponuda koja je ujedno i prihvatljiva;
- da je ponuda ponuđača „Okac“ d.o.o. Goražde sa cijenom ponude u iznosu od 25.600,00 KM, bez PDV-a, prema kriteriju „najniža cijena“ ocjenjena kao prihvatljiva i najpovoljnija za ugovorni organ.

Komisija za provođenje postupka javne nabavke za izvođenje građevinskih radova na sanaciji/rekonstrukciji cjevovoda za odvodnju kanalizacionih/oborinskih voda u naselju Površnica i Omladinska ulica, predložila je Gradonačelniku Grada Goražda za lot 2 – Nabavka radova na rekonstrukciji dijela trase površinske odvodnje u Omladinskoj ulici, donošenje Odluke o prihvatanju ponude ponuđača „Okac“ d.o.o. Goražde, budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom, uz dokaz o plaćenju naknadi za pokretanje žalbenog postupka.

GRADONAČELNIK

ERNEST IMAMOVIĆ

DOSTAVITI:

1. Ponuđaču
2. Web stranica ugovornog organa
3. u spis
4. a/a